" comme le flambeau, qui esclairant autruy se consomme "soy-mesme. Recevez donc, Madame, recevez ces " miennes petites arres pour tesmoin asseuré de la ferme "et constante volonté que i'ai de me consacrer à vostre "S. service de tout temps qui me reste en ceste vallée " de larmes. Aussi bien ce mien petit avorton appartient " de droict à vostre Excellence, pour la luy avoir dédiée "avant sa conception : donc comme marraine tenez s'il " vous plait (suivant l'ancienne coustume de l'Eglise) " lieu de pere et mere en son endroict par la libérale "distribution de vos grâces à son auteur, qui pense " retirer (comme il n'en sera frustré s'il ne tient en "luy) quelque commodité de cette nouvelle affinité, à " laquelle i'étais ià comme astreint par tant de vieux et "recens benefices surcomblants la mesure de mes " merites, receus de vostre seule bonté, desquels l'hum-" ble recognoissance ne pouvant mieux, tiendra lieu '' (s'il vous plait) de satisfaction. Encor est il vostre, veu '' que si ie l'oze confesser, d'un sacrilege larrecin i' ai " soustrait beaucoup de temps dédié au service de Dieu, " pour l'employer ici, veniam confessus crimina posco, " avec la restitution que ie fais, sinon du temps, au moins " de l'œuvre qui l'a consommé : et esperant de trouver "toute faveur et support aux pieds de celle qui n'a "iamais refusé que celuy qui ne s'y est présenté. Ie " prierai Dieu non pour vostre serenissime Maiesté, qu " prie pour tous les autres, mais bien pour moy, qui ay " besoin des prieres de tous, et notamment des vostres " pour m'impetrer la grâce, qu'en me repaissant des " petits fragments qui tomb: nt des corbeilles de vostre " perfection pleines de graces et de vertus, ie puisse " parvenir en cette immortelle gloire dont après la " divine et Saincte Trinité vous estes le principal orne-" ment, pour louer à jamais celuy qui par sa grace vous " a eslevée en telle splendeur.

" De Vostre Maiesté le vil et abiect vermisseun,